

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱՔԱՆԱԿԱՆ ՎԱՐՉՈՒԹՅՈՒՆ

Ո Ր Ո Շ ՈՒ Մ թիվ - 224

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«24» հուլիսի 2023թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով Նարեկ Սպարտակի Սարգսյանի (նույնականացման քարտ՝ 008292229, հասցեն՝ ՀՀ, Լոռու մարզ, Տավրոս թաղ. 1-ին փող. 3 նրբ. 26 տուն) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Չ Ե Ց Ի՝

ՀՀ ՊԵԿ հետքացթողումային հսկողության վարչության աշխատակիցները, ղեկավարվելով Եվրասիական տնտեսական միության մաքսային օրենսգրքի 333-րդ և «Մաքսային կարգավորման մասին» ՀՀ օրենքի 133-րդ հոդվածներով, իրականացրել են կամերալ մաքսային ստուգում «ՏԱՎՈՒՇ ՏԵՔՍՏԻԼ» ՍՊ ընկերության նկատմամբ և հայտնաբերել, որ «ՏԱՎՈՒՇ ՏԵՔՍՏԻԼ» ՍՊ ընկերության անվամբ 25.07.2020թ. թիվ 5100033/250720/0003181, 18.11.2020թ. թիվ 5100033/181120/0005470, 23.12.2020թ. թիվ 5100030/231220/0006421, 14.10.2022թ. թիվ 5100033/141022/0004066 ապրանքների հայտարարագրերով «Բացթողում ներքին սպառման համար» մաքսային ընթացակարգով ՀՀ ներմուծված և ԵԱՏՄ ԱՏԳ ԱԱ 5604 10 000 0 (մաքսատուրք՝ 5%) ծածկագրով հայտարարագրված «ՌԵՏԻՆԵ ԹԵԼԵՐ ՄԱՆԱԾԱԳՈՐԾԱԿԱՆ ՆՅՈՒԹԵՐԻ ՊԱՏՎԱԾՔՈՎ N100 BLACK», «ՌԵՏԻՆԵ ԹԵԼԵՐ ՄԱՆԱԾԱԳՈՐԾԱԿԱՆ ՆՅՈՒԹԵՐԻ ՊԱՏՎԱԾՔՈՎ N80, N90, N100» նկարագրություններով ապրանքների համար կիրառվել է մաքսատուրքի արտոնություն (ИП), սակայն արտոնությունը նախատեսվել է 400,0 հազ.կգ «Ռետինե թել և քուղ՝ մանածագործական նյութերի պատվածքով» անվանմամբ, «Ռետինե թել և քուղ՝ մանածագործական նյութերի պատվածքով N100, N90 WHITE» տեխնիկական բնութագրով ապրանքատեսակի համար.

ՀՀ ՊԵԿ հետքացթողումային հսկողության վարչության կողմից 15.06.2023թ. կազմվել է թիվ 0066-Ա կամերալ մաքսային ստուգման ակտն, որն ուղարկվել է ՀՀ ՊԵԿ իրավաբանական վարչություն:

Նյութերի ուսումնասիրությունից պարզվել է, որ ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնում 25.07.2020թ. թիվ 5100033/250720/0003181, 18.11.2020թ. թիվ 5100033/181120/0005470, 23.12.2020թ. թիվ 5100030/231220/0006421, 14.10.2022թ. թիվ 5100033/141022/0004066 ապրանքների հայտարարագրերը ներկայացրել է մաքսային ձևակերպումների մասնագետ՝ Նարեկ Սպարտակի Սարգսյանը:

2023 թվականի հունիսի 28-ին ՀՀ ՊԵԿ իրավաբանական վարչությունում Նարեկ Սարգսյանի նկատմամբ ՀՀ մաքսային օրենսգրքի 203-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է վերջինիս:

ԵԱՏՄ մաքսային օրենսգրքի (այսուհետ՝ Օրենսգիրք) 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով

ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Սույն հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ նաև ապրանքների մասին, որոնց մեջ ի թիվս այլոց նշվում է անվանումը, նկարագրությունը, որն անհրաժեշտ է այն մաքսային վճարների, հատուկ, հակազնազցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

ԵԱՏՄ մաքսային օրենսգրքի 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 404-րդ հոդվածի 1-ին մասի համաձայն՝ մաքսային գործառնություններ իրականացնելիս մաքսային ներկայացուցիչն ունի նույն իրավունքները, որոնք ունի այն անձը, որը լիազորում է նրան ներկայացնելու իր շահերը մաքսային մարմինների հետ փոխհարաբերություններում: 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտարարագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտարարագրելու, ինչպես նաեւ մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

«Մաքսային կարգավորման մասին» ՀՀ օրենքի 30-րդ հոդվածի 2-րդ մասի 3-րդ կետի համաձայն՝ մաքսային ձևակերպումների մասնագետի որակավորման վկայական ստանալու պարտադիր պայմաններից է մաքսային օրենսդրությանը տիրապետելը:

Ելնելով վերոնշյալից՝ Նարեկ Սարգսյանը, որպես մաքսային ձևակերպումների մասնագետ, պարտավոր էր իմանալ, որ ՀՀ Կառավարության 07.03.2019թ. թիվ 196-Ա որոշմամբ արտոնությունը նախատեսվել է 400,0 հազ.կգ «Ռետինե թել և քուղ՝ մանածագործական նյութերի պատվածքով» անվանմամբ, «Ռետինե թել և քուղ՝ մանածագործական նյութերի պատվածքով N100, N90 WHITE» տեխնիկական բնութագրով ապրանքատեսակի համար:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Նարեկ Սարգսյանը 2023 թվականի հուլիսի 24-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ սկսված վարչական գործի քննությանը մասնակցելու համար և միաժամանակ նախազգուշացվել է, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն չի ներկայացել գործի քննությանը:

Այսպիսով, գործի նյութերով պարզվել է, որ «ՏԱՎՈՒՇ ՏԵՔՍԻԼ» ՍՊ ընկերության անվամբ 25.07.2020թ. թիվ 5100033/250720/0003181, 18.11.2020թ. թիվ 5100033/181120/0005470, 23.12.2020թ. թիվ 5100030/231220/0006421, 14.10.2022թ. թիվ 5100033/141022/0004066 ապրանքների հայտարարագրերով ՀՀ ներմուծված և ԵԱՏՄ ԱՏԳ ԱԱ 5604 10 000 0 ծածկագրով հայտարարագրված «ՌԵՏԻՆԵ ԹԵԼԵՐ ՄԱՆԱԾԱԳՈՐԾԱԿԱՆ ՆՅՈՒԹԵՐԻ ՊԱՏՎԱԾՔՈՎ N100 BLACK», «ՌԵՏԻՆԵ ԹԵԼԵՐ ՄԱՆԱԾԱԳՈՐԾԱԿԱՆ ՆՅՈՒԹԵՐԻ ՊԱՏՎԱԾՔՈՎ N80, N90, N100» նկարագրությամբ ապրանքատեսակի համար կիրառվել է մաքսատուրքի արտոնություն(ИП), սակայն արտոնությունը նախատեսվել է 400,0 հազ.կգ «ՌԵՏԻՆԵ ԹԵԼ և քուղ՝ մանածագործական նյութերի պատվածքով» անվանմամբ, «ՌԵՏԻՆԵ ԹԵԼ և քուղ՝ մանածագործական նյութերի պատվածքով N100, N90 WHITE» տեխնիկական բնութագրով ապրանքատեսակի համար, ինչի հետևանքով վերոնշյալ հայտարարագրերի մասերով առաջացել են 217538 ՀՀ դրամի չափով պակաս հաշվարկված մաքսային վճարներ/մաքսատուրք/ Նարեկ Սարգսյանի մեղքով, այսինքն՝ Նարեկ Սարգսյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ հետբացթողումային հսկողության վարչության 15"06"2023թ" թիվ 0066-Ա կամերալ մաքսային ստուգման ակտով, 15"06"2023թ" թիվ 0066-Ո-1 որոշմամբ և թիվ 5100033/250720/0003181, թիվ 5100033/181120/0005470, թիվ 5100030/231220/0006421 և թիվ 5100033/141022/0004066 ապրանքների հայտարարագրերով:

Վերոգրյալի հիման վրա և ղեկավարվելով ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝


1. Նարեկ Սպարտակի Սարգսյանին ճանաչել զանցառու՝ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել պակաս հաշվարկված մաքսային վճարների 217538 ՀՀ դրամի 50 տոկոսի չափով՝ 108769 ՀՀ դրամ:

2. Որոշման մասին հայտնել Ն.Սարգսյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ այն կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ՀՀ պետական եկամուտների կոմիտեի իրավաբանական վարչություն

(ստորաբաժանի անվանումը)

ղեկավար՝ Արման Մնացականյան
(անուն, ազգանուն)


(ստորագրություն)

Որոշման օրինակը՝ 4 էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված փողովի գումարը ենթակա է վճարման Կենտրոնական գանձապետարանի №900005024055 հաշվեհամարին 19 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կատարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: